



REPUBLIKA E SHQIPËRISË
KËSHILLI I MINISTRAVE

V E N D I M

Nr. 229, datë 23.4.2014

PËR

**MIRATIMIN E RREGULLAVE PËR TRANSFERIMIN E MBETJEVE
JO TË RREZIKSHME DHE INFORMACIONIT QË DUHET TË
PËRFSHIHET NË DOKUMENTIN E TRANSFERIMIT**

Në mbështetje të nenit 100 të Kushtetutës dhe të pikës 11, të nenit 21, të ligjit nr.10463, datë 22.9.2011, “Për menaxhimin e integruar të mbetjeve”, të ndryshuar, me propozimin e ministrit të Mjedisit, Këshilli i Ministrave

V E N D O S I:

1. Miratimin e rregullave për transferimin në mënyrë profesionale të mbetjeve jo të rrezikshme nga një person te një tjetër brenda territorit të Republikës së Shqipërisë dhe të informacionit që duhet të përfshihet në dokumentin e transferimit.
2. Mbetje jo të rrezikshme klasifikohen mbetjet që nuk shënohen me shenjën yll “*”, të miratuara me vendimin nr.99, datë 18.2.2005, të Këshillit të Ministrave, “Për miratimin e katalogut shqiptar të mbetjeve”, të cilit më poshtë i referohemi me emërtimin “Katalogu i mbetjeve”.
3. Të gjithë termat e përdorur në këtë vendim kanë të njëjtin kuptim me atë të dhënë nga ligji nr.10463, datë 22.9.2011, “Për menaxhimin e integruar të mbetjeve”, të ndryshuar.
4. Transferimi i mbetjeve jo të rrezikshme bëhet sipas formatit të dokumentit të transferimit të mbetjeve jo të rrezikshme, të përcaktuar në aneksin 1, bashkëlidhur këtij vendimi.
5. Dokumenti i transferimit të mbetjeve jo të rrezikshme plotësohet për të gjitha hallkat që ndiqen për transferimin e mbetjeve që nga krijimi deri në destinacionin përfundimtar.

6. Dokumenti i transferimit të mbetjeve jo të rrezikshme plotësohet dhe nënshkruhet nga krijuesi i mbetjeve, grumbulluesi, transportuesi dhe pritësi që merr në dorëzim mbetjet, sipas aneksit 1 bashkëlidhur në aq kopje sa janë personat që nënshkruajnë dokumentin.
7. Dokumenti i transferimit të mbetjeve jo të rrezikshme është i vlefshëm edhe në formë elektronike nëse është i plotësuar dhe i nënshkruar nga personat e përcaktuar në pikën 6, të këtij vendimi.
8. Përrjashtohet nga procedura e zbatimit të këtij vendimi vetëm gjenerimi i mbetjeve shtëpiake.
9. Transporti i mbetjeve jo të rrezikshme bëhet në bazë të kontratës ndërmjet palëve, në të cilën përcaktohet detyrimisht përgjegjësia për rastin e kthimit mbrapsht pjesërisht ose plotësisht të mbetjeve nga pritësi duke plotësuar seksionin C të aneksit 1, bashkëlidhur këtij vendimi.
10. Çdo transfertë e mbetjeve jo të rrezikshme shoqërohet me dokumentin e transferimit të mbetjeve deri në destinacionin përfundimtar dhe të dhënat regjistrohen në Regjistrin e Transfertave Individuale që krijohet për këtë qëllim.
11. Agjencia Kombëtare e Mjedisit krijon Regjistrin Kombëtar të Transfertave të Mbetjeve jo të Rrezikshme. ✓
12. Mënyra e administrimit dhe formati i Regjistrit të Transfertave Individuale dhe formati i Regjistrit Kombëtar të Transfertave të Mbetjeve jo të Rrezikshme miratohen me urdhër të ministrit përgjegjës për mjedisin.
13. Krijuesi, grumbulluesi dhe pritësi i mbetjeve dërgojnë pranë Agjencisë Kombëtare të Mjedisit dhe Inspektoratit Shtetëror të Mjedisit, Pyjeve dhe Ujërave informacion në lidhje me mbetjet jo të rrezikshme të transferuara, të paktën 1 (një) herë në vit.
14. Dokumenti i transferimit përmban kodin unik, i cili përbëhet nga dy pjesë. Pjesa e parë e kodit unik miratohet nga Agjencia Kombëtare e Mjedisit, pas paraqitjes së kërkesës me shkrim nga personi që transferon mbetjet jo të rrezikshme te pritësi. Kërkesa shoqërohet me kopje të ekstraktit të Qendrës Kombëtare të Regjistrimit.
15. Agjencia Kombëtare e Mjedisit miraton pjesën e parë të kodit unik brenda 10 (dhjetë) ditëve pune nga data e paraqitjes së kërkesës.

16. Pjesa e parë e kodit unik është individuale dhe e papërsëritshme për çdo subjekt që transferon mbetje jo të rrezikshme, ndërsa pjesa e dytë e këtij kodi vendoset nga vetë personi që transferon mbetjet te pritësi dhe ndryshon për çdo transfertë.
17. Përcaktimi i kodit unik bëhet sipas metodologjisë së dhënë në aneksin 2, bashkëlidhur këtij vendimi.
18. Agjencia Kombëtare e Mjedisit krijon një bazë të dhënash për kodet unike, si pjesë të Regjistrit Kombëtar të Transfertave të Mbetjeve jo të Rrezikshme.
19. Mospërmbushja e detyrimeve të përcaktuara në këtë vendim dhe në aneksin 1, bashkëlidhur këtij vendimi, përbëjnë kundërvajtje administrative dhe dënohen sipas përcaktimeve të nenit 62, të ligjit nr.10463, datë 22.9.2011, “Për menaxhimin e integruar të mbetjeve”, të ndryshuar.
20. Ngarkohen Agjencia Kombëtare e Mjedisit dhe Inspektorati Shtetëror i Mjedisit, Pyjeve dhe Ujërave për zbatimin e këtij vendimi.

Ky vendim hyn në fuqi pas botimit në “Fletoren zyrtare”.

K R Y E M I N I S T R I

EDI RAMA

Në mungesë dhe me porosi

ZËVENDËSKRYEMINISTRI

NIKO PELESHI

MINISTRI I MJEDISIT

LEFTER KOKA

Në mungesë dhe me porosi

ZËVENDËSMINISTRI

DIANA BEJKO

Aneksi 1

Formati i dokumentit të transferimit të mbetjeve jo të rrezikshme

Për t'u përdorur për transferimin vetëm të mbetjeve jo të rrezikshme brenda territorit të Republikës së Shqipërisë

Seksioni A. Krijuesi i mbetjeve/ Grumbulluesi/ NJQV/ Transportuesi/ Agjenti/ Tregtari			
Kodi unik i dokumentit të dorëzimit (për t'u plotësuar nga krijuesi i mbetjes)			
1. Cili nga të poshtëshënuarit jeni ju? (zgjidh një ose më shumë kuti)			
a. Krijuesi i mbetjeve		b. Grumbullues i mbetjeve	
2. Zotërues i lejes së mjedisit:			
Tipi i lejes së mjedisit (A, B apo C) e: Krijuesit		a. Numri i lejes së mjedisit e krijuesit	
Grumbulluesit		b. Numri i lejes së mjedisit e grumbulluesit	
3. - Emri i persomit fizik/juridik që është krijues i mbetjeve (me shkronja të mëdha shtypi) - adresa dhe numri NIPT - Nënshkrimi i personit përgjegjës (emër, mbiemër, firmë) - Data e nënshkrimit			
4. - Emri i personit fizik/juridik që është grumbullues i mbetjeve (nesë ka) - adresa dhe numri NIPT - nënshkrimi i personit përgjegjës (emër, mbiemër, firmë) - data e nënshkrimit			
5. - Emri i personit fizik/juridik që është agjent ose tregtar i mbetjeve (nëse ka) - adresa dhe numri NIPT - nënshkrimi i personit përgjegjës (emër, mbiemër firmë) - Data e nënshkrimit			

6. Transportues i licencuar për mbetjet (nëse ka) (Emri i personit fizik/juridik me SHKRONJA TË MËDHA SHTYPI dhe numri NIPT)	
Nëse ka licencë III.2.B, numri i licencës	
Nr i regjistrimit të automjetit (Targa)	
Nënshkrimi i transportuesit	
Data e nisjes	
Ora e nisjes	

Seksioni B. Përshkrimi i mbetjeve (për t'u plotësuar nga krijuesi)									
1. Përshkrimi i mbetjeve:									
2. Kodi i Katalogut Shqiptar të Mbetjeve:									
3. Sasia e mbetjeve (e shprehur në kg ose litër):									
4. Ku ruhen apo magazinohen mbetjet									
Të hapura		Në thasë		Në kosh metalik të hapur		Në konteiner metalik cilindrik		Në cisternë	
Të tjera (lutemi përshkruajini):									
5. Numri i thasëve, konteinerëve, koshave, cisternave e të tjera:									
6. Pesha e thasëve, konteinerëve, koshave, cisternave e të tjera:									

Seksioni C. Personi që merr në dorëzim mbetjet (pritësi)		
1. Emri i plotë (SHKRONJA TË MËDHA SHTYPI)		
2. Emri -, adresa dhe numri NIPT i kompanisë		
3. Tipi i lejes së mjedisit (A, B apo C):		Numri i lejes së mjedisit
4. Nr. I licencës III.2.B		
4. Nënshkrimi i pritësit (emër, mbiemër, firmë)		
5. Data e marrjes në dorëzim		

6. Për t'u plotësuar nga pritësi në rast refuzimi të pjesshëm ose të plotë të mbetjeve

Arsyet e refuzimit:

Kodi i mbetjes së refuzuar sipas Katalogut të Mbetjeve

Sasia e mbetjes/eve të refuzuar

Data e refuzimit dhe nënshkrimi (emër, mbiemër, firmë)

7. Për t'u plotësuar nga personi që merr mbrapsht mbetjet e refuzuara (krijuesi/ grumbulluesi/ tregtari/ agjenti)

Data dhe ora e marrjes në dorëzim të mbetjeve të refuzuara

Nënshkrimi (emër, mbiemër, firmë)

Seksioni D. Destinacioni i mbetjeve (për t'u plotësuar nga pritësi)

1. A shkojnë mbetjet për: (plotësoni vetëm një kuti)

Rikuperim (jepni numrin R nga Aneksi II i ligjit nr.10463, datë 22.9.2011 "Për menaxhimin e integruar të mbetjeve"

Lendfill (D 5)

Incinerim (D 10)

Operacione të tjera asgjësimi (jepni numrin D nga aneksi I i ligjit nr.10463, datë 22.9.2011, "Për menaxhimin e integruar të mbetjeve"

Seksioni C. Deklarata e paratrajtimit (për t'u plotësuar nga pritësi)

VKM nr.452, datë 11.7.2012, "Për lendfillin e mbetjeve", përcakton trajtimin si: proces fizik, termik apo biologjik (përfshirë seleksionimin) që ndryshon karakteristikat e mbetjeve me qëllim pakësimin e vëllimit apo natyrës së rrezikshme të tyre, lehtëson trajtimin apo rrit rikuperimin e tyre.

Pjesa C plotësohet vetëm në rastet kur mbetjet asgjësohen në lendfill.

1. Cilat materiale janë veçuar nga këto mbetje (vendosni shenjën √ në kutitë e duhura)?

Letër		Karton		Metale		Qelq		Plastikë	
Dru		Ushqim		Të kompostueshme		Mbetje nga pajisje elektrike, elektronike		Bateri	
Të tjera									

2. Cila është përqindja e vëllimit origjinal total të mbetjeve që janë asgjësuar?

Më pak se 5%		5% deri në 25%	
25% deri në	50% deri	Më shumë se 75%	

50%		në 75%		
<p>Cilat procese janë përdorur për të ndarë apo trajtuar këto mbetje apo informacione të tjera që mund të ndihmojnë në trajtimin apo asgjësimin e mbetjeve.</p> <p>Nëse mbetjet nuk janë trajtuar, lutemi deklaroni përse:</p>				

Seksioni D. Vendi i transferimit	
1. Adresa e vendit të transferimit/pikës së grumbullimit:	
2. Data e transferimit:	
3. Koha e transferimit (për transferimet e shumëfishta, jepni datat e ndërmjetme)	

Aneksi 2

Metodologjia e përcaktimit të kodit unik të dokumentit të transferimit

Kodi unik i dokumentit të transferimit të mbetjeve jo të rrezikshme përbëhet nga dy pjesë.

- A. Pjesa e parë e kodit unik** përmban 7 karaktere, nga të cilat 3 të parat janë shkronja dhe pjesa tjetër janë numra natyrorë. 3 shkronjat e para janë inicialet e personit fizik ose juridik ose akronimi i emrit të subjektit. 4 numrat fillojnë me 0001 për subjektin që kërkon i pari pajisjen me kodin unik. Më pas vazhdohet me vendosjen e numrave në rend rritës: 0002; 0003; e në vazhdim.

Shembuj:

- a. Nëse personi i parë që kërkon pranë AKM-së të pajiset me kodin unik është Elmaz Kujtim Latifi pjesa e parë e kodit unik do të jetë: EKL0001
- b. Nëse personi i dytë që kërkon pranë AKM-së të pajiset me kodin unik është subjekti General Equipments Albania, pjesa e parë e kodit unik do të jetë: GEA0001.

B. Pjesa e dytë e kodit unik përmban 4 numra, nga të cilët, 2 numrat e parë tregojnë vitin në të cilin kryhet transferta dhe 2 numrat e tjerë tregojnë numrin e transfertës që po kryhet. Pjesa e dytë e kodit unik vendoset nga vetë transferuesi i mbetjeve.

Shembuj:

Nëse person i shembullit “a” më lart transferon mbetjet me datën xx.xx.2014 dhe është transferta e parë për vitin kalendarik 2014, pjesa e dytë e kodit unik do të jetë: 1401. Kodi unik në këtë rast do të jetë: EKL00011401.

Nëse person i shembullit “a” më lart transferon mbetjet me datën xx.xx.2014 dhe është transferta e dytë për vitin kalendarik 2014, pjesa e dytë e Kodit Unik do të jetë: 1402. Kodi Unik në këtë rast do të jetë: EKL00011402.

Nëse person i shembullit “b” më lart transferon mbetjet me datën xx.xx.2015 dhe është transferta e parë për vitin kalendarik 2015, pjesa e dytë e kodit unik do të jetë: 1501. Kodi Unik në këtë rast do të jetë: GEA00011501.

Nëse person i shembullit “b” më lart transferon mbetjet me datën xx.xx.2015 dhe është transferta e dytë për vitin kalendarik 2015, pjesa e dytë e kodit unik do të jetë: 1502. Kodi Unik në këtë rast do të jetë: GEA00011502.

NR.PROT.1500/1
DATË 23.4.2014

MINISTRISË SË MJEDISIT
MINISTRISË SË SHËNDETËSISË
MINISTRISË SË ENERGJISË DHE INDUSTRIË
MINISTRISË SË MBROJTJES
MINISTRISË SË DREJTËSISË
MINISTRISË SË FINANCAVE
MINISTRISË SË BUJQËSISË, ZHVILLIMIT RURAL
DHE ADMINISTRIMIT TË UJËRAVE
MINISTRISË SË TRANSPORTIT DHE INFRASTRUKTURËS
AGJENCISË KOMBËTARE TË MJEDISIT
INSPEKTORATIT SHTETËROR TË MJEDISIT, PYJEVE
DHE UJËRAVE
QENDRËS SË BOTIMEVE ZYRTARE

Sekretari i Përgjithshëm

Engjëll AGAÇI

